

लईका मन बर बाईबिल प्रस्तुत करत हवे।

यीशु अउ जककई




लिखे गए हवे। : Edward Hughes
उत्साह बढ़ाए गए हवे। : Janie Forest
चयन करे गए हवे। : Ruth Klassen
Alastair Paterson
अनुवाद करे गए हवे। : मधुलिका महतो
बनाए गए हवे। : Bible for Children
www.M1914.org

BFC
PO Box 3
Winnipeg, MB R3C 2G1
Canada

©2020 Bible for Children, Inc.

लाईसेंस : आप मन करा इ कथा ल छापे बर अऊ नकल करे के अधिकार
तभे तक हे जब तक आप मन एला बेचिहा नाही।

1



एक दिन, यीशु यरीहो
ले होके गुजरिस। इ
शहर ला अब्बड़ बेरा
आघु यहोसु द्वारा
नास कर देहे गय
रहिस। अब ऐला फेर
ले बनाय गय रहिस
अउ उहां अब्बड़
अकन मनखे मन
रहत रहिन। ओमा
जककई नाव के
एकठन आदमी
रहिस।


2



साइद यरीहो म अलगा मनखे मन ओला पसन नई करिन काबर कि ओहा ओमन ले चुंगी के पइसा माँगत रहिस। जक्कई तउन धनराशि म ले कुछु सरकार ला भेज देत रहिस—लेकिन अब्बड़ कुछु अपन बर राख लेत रहिस।


3

एक ठन चुंगी एकट्ठा करोइया के नाते जक्कई अड़बड़ धन बनाईस। साइद ओखर घर ओखर पारा ले सबले बड़खा अउ सबले बने बनाय होही।




4

लेकिन ओहा एक ठन बौना पुरुष रहिस, पइसा ले बौना नई हावय, लेकिन कद ले बौना रहिस। जक्कई दुसर मन कस लम्बा नई रहिस।




5




जक्कई सुने रहिस कि यीशु यरीहो म हावय, त येहा बौना चुंगी लेवइया नासरत के यीशु ला देखे चाहत रहिस। जोन हा भगवान के बेटा होवय के दावा करत रहिस। लेकिन अड़बड़ भीड़ रहिस ... लम्बा मन घेरे रहिन।

6



जक्कई ला एक ठन उपाय सुझीस। यदि ओहा भीड़ के आघु म जाके, एक ठन रूख म चघ जाही जेन हा डहर म झुके हावय त ओहा यीशु ला देखे पाही।


7



एक ठन गुलर के रूख म चघत हवे, जक्कई ला डार म ले एक ठन आराम दायक डाही ला पाईस अउ उहे बइठ के यीशु के आय के डहर देखे लागीस। "मय अड़बड़ बने अकन देखे पाँहा" ओहा सोचत होही। "मय हा अपनेच ला देखाय बिना ओला देखिहा।"

8

“जक्कई झट के अउ तरी म आ जावा” बौना चुंगी लवइया अपन कान म बिश्वास नई करे होही। यीशु रूख के तरी म ठाढ़े रहिस यीशु ओला देखत रहिस। यीशु ओला बुलात रहिस।




9

जक्कई ई सुन के हइरान रहिस कि यीशु ओला बलात रहिस, यीशु हा जब येहा कहिस, तब ओहा अबगा अंकचका गय होही, “आज मय तोर घर म अवश्य रइहव।” जक्कई अतेक झट के तरी उतर के आइस, लगभग ओहा गिरय बर रहिस।

10

जक्कई खुसी ले भर उठीस की यीशु ओकर घर म रुकय बाला हावय। लेकिन मनखे मन ला येहा मन नई आईस। ओमन शिकाएत करिन यीशु ला जक्कई जइसन पापी के घर के दौरा नई करय ला चाहि रहिस।




11

यीशु हा जक्कई बर एक ठन नाबा जिनगी लेके आईस। जक्कई हा कहिस परभु, मय अपन आधा सम्पत्ति गरीब मन ला दे दुहु। “अउ यदि मय कहुँ ला धोखा दे हव त ओला मय हा चार गुना जादा वापिस दे दिहा।”

12

यीशु जक्कई के नावा जिनगी ले खुस रहिस। ओहा त येहा देखय ला चाहत हावय कि मनखे मन अपन पाप ले मन ला फिरावय अउ जेन सत्ती हावय ओही करय। यीशु हा कहिस “मानुस के बेटा गवाय हवय ला खोजय अउ ओखर उद्धार करय ला आय हे” ओही दिन यरीहो म यीशु हा जक्कई ला पाईस।



13

यीशु अउ जक्कई

इ कथा हर भगवान के बचन के द्वारा एक ठी बाईबिल

पाए जाथे।

लुका 19

“आप मन कर बानी हर एला अंजोर देखे।”

भजन संहिता 119 : 130

14

समाप्त ।

53



60

15

बाइबल के कहानी हा हमन ला हमर महान भगवान के बारे में बता थे। जेनहा हमन के रचना करे हावे अऊ जिनह ये चाहथे कि हामन ओला जानन।

भगवान ला पता है कि हामन गलत काम करे हन जेन ला ओहर पाप कहिथे। पाप करे के सजा मौत हावे, पर भगवान हा हमन ले बहुत प्यार करथे कि ओहर अपन अकेल्ला बेटा ईशु मसीह ला क्रूश में मरे बर अऊ हमर पाप के सजा पाए बर भेजीस। ओखर बाद इशु मसीह के फेर से जनम होथे अऊ ओहर घर ले स्वर्ग मा चल देथे। अगर तुमन ईशु मसीह मा भरोसा करथव अऊ अपन पाप बर माफी मांगथव ता ओहर जरूर माफ कर दीही। वो हर जरूर आही अऊ तुमन के भीतरी मा अभी रहिही, अऊ तुमन ओखर संग मा हमेशा बर रहिया।

अगर तुमन विश्वास करथव कि इही हर स चहे, त भगवान ले येला कहव प्रिय ईशु, मैं विश्वास करथव कि अप मन भगवान हव अऊ मोर पाप के सेतर मरे बर मनुष्य बनेव अऊ आप हर फेर से जिवित हव। दया करके मोर जिंदगी में आवव अऊ मोर पाप ला क्षमा करव, ताकि मैं हा नवा जीवन ला पा सकंव अऊ एक दिन हमेशा बर आप मन के संग जा सकंव। मोला मदद करव ताकि मैं आप मन के हर आज्ञा के पालन कर सकंव अऊ आप मन के बेटा बन के आप मन बर जिये सकंव। आमीन।

बाइबल ला पढ़व अऊ भगवान से रोज बात करव !

16